



Llywodraeth Cymru
Welsh Government

Gwybodaeth i Ymgeiswyr

**PENODI AELOD O GYMRU I'R
AWDURDOD MEINWEOEDD DYNOL**



Gwneud cais

Diolch am fynegi diddordeb yn y penodiad i fod yn Aelod o Gymru i'r Awdurdod Meinweoedd Dynol (HTA).

I wneud cais, ewch i wefan Penodiadau Cyhoeddus Llywodraeth Cymru yma <https://cymru-wales.tal.net/vx/lang-cy/mobile-0/appcentre-3/brand-2/candidate/jobboard/vacancy/7/adv/>.

Ar ôl cofrestru, bydd modd ichi weld y ffurflen gais. I wneud cais, bydd angen ichi gyflwyno'r ffurflen gais a **dwy** ddogfen ategol. Dogfen yn ateb y cwestiynau isod yw'r gyntaf, sef 'datganiad personol'. Ni ddylai'r ddogfen hon fod yn fwy na dwy dudalen A4. Gallai eich cais gael ei wrthod os byddwch yn mynd dros y terfyn hwn. Curriculum vitae (CV) llawn, cyfredol yw'r ail ddogfen y bydd rhaid ichi ei chyflwyno. Dylech lanlwytho'r ddwy ddogfen i'r adran "Rhesymau dros ymgeisio" o'r ffurflen gais ar-lein. Dylech ddefnyddio ffont maint 12pt o leiaf ar y dogfennau ategol.

Datganiad Personol

Eich datganiad personol yw'ch cyfle i ddangos sut yr ydych yn bodloni'r holl feini prawf a nodir yn y cwestiynau isod. Chi fydd yn penderfynu sut fyddwch am gyflwyno'r wybodaeth. Fodd bynnag, dylech anelu at ddarparu enghreifftiau manwl sy'n dangos sut y mae eich gwybodaeth a'ch profiadau yn cyd-fynd â phob maen prawf, ac sy'n disgrifio eich swyddogaeth chi wrth gyflawni canlyniad penodol.

Nodwch y bydd eich tystiolaeth hefyd yn cael ei hasesu i benderfynu a oes gennych y lefel angenrheidiol o brofiad i weithredu'n effeithiol ar lefel y Bwrdd.

Bydd hefyd o fudd i'r panel dethol os gallwch nodi'n glir pa dystiolaeth benodol sy'n berthnasol i ba faen prawf. Mae'n arfer cyffredin darparu paragraffau ar wahân mewn perthynas â phob maen prawf.

Cwestiynau i'w hateb fel rhan o'ch cais yn eich datganiad personol

Ar dudalen 5 isod fe welwch fanyleb y person, gan gynnwys yr wybodaeth a'r profiad yn ogystal â'r priodoleddau personol sydd eu hangen ar gyfer y rôl hon. Bydd y panel yn chwilio am enghreifftiau cryf o sut rydych yn bodloni'r gofynion hyn. Yn eich datganiad personol, rhwch **enghreifftiau, gyda chanlyniadau**, i ddangos sut rydych yn bodloni manyleb y person ym mhob achos.

Curriculum Vitae

Gwnewch yn siŵr fod eich CV yn cynnwys manylion bras eich swydd bresennol neu eich swydd ddiweddaraf, a'ch dyddiadau yn y swydd hon. Nodwch unrhyw benodiadau Gweinidogol presennol neu flaenorol.

Amserlen fras

Dyddiad cau:	16 Tachwedd 2020
Creu rhestr fer:	30 Tachwedd 2020
Cynnal cyfweiliadau:	Ionawr 2021
Dyddiad dechrau:	Mawrth 2021 **

*** Trefnir cyfnod cysgodi gyda'r Aelod Presennol o Gymru drwy gytundeb ar y cyd.*

Datganiad am Amrywiaeth

Mae Llywodraeth Cymru yn credu y dylai cyrff cyhoeddus gael aelodau bwrdd sy'n adlewyrchu'r gymdeithas yng Nghymru - pobl o bob cefndir - i'w helpu i ddeall anghenion pobl a gwneud penderfyniadau gwell. Dyna pam y mae Llywodraeth Cymru yn annog ystod eang ac amrywiol o unigolion i wneud cais am swyddi ar gyrff cyhoeddus.

Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd a lleiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Cynllun Gwarantu Cyfweliad

Mae gan Lywodraeth Cymru Gynllun Gwarantu Cyfweliad i bobl anabl. Mae Deddf Cydraddoldeb 2010 yn diffinio person anabl fel person sydd â nam corfforol neu feddyliol sy'n cael effaith niweidiol sylweddol a hirdymor ar ei allu i gyflawni gweithgareddau arferol o ddydd i ddydd. O dan y Cynllun Gwarantu Cyfweliad, bydd ymgeisydd anabl yn cael ei ddewis ar gyfer cyfweliad os bydd yn bodloni'r meini prawf hanfodol gofynnol ar gyfer y swydd.

Manylion Cyswllt:

I gael rhagor o wybodaeth am y broses ddethol, cysylltwch â'r:
Tîm Penodiadau Cyhoeddus publicappointments@llyw.cymru.

I gael rhagor o wybodaeth neu i drefnu trafodaeth anffurfiol am rôl yr Aelod Cymraeg i'r HTA, cysylltwch â:

Yr Athro Chris Jones – Dirprwy Brif Swyddog Meddygol.
Rhif ffôn: 03000 257143
E-bost: Chris.Jones@llyw.cymru.

Mae rhagor o wybodaeth am yr HTA ar gael yn:
<https://www.hta.gov.uk/about-us>

Y Broses Ddethol

Rheoleiddir penodiadau i'r HTA gan y Comisiynydd Penodiadau Cyhoeddus ac felly fe'u gwneir yn unol â Chod Ymarfer y Comisiynydd ar Benodiadau Gweinidogol i Gyrff Cyhoeddus. Mae'n bolisi gan Lywodraeth Cymru i hyrwyddo cyfle cyfartal a'i wneud yn rhan annatod o bob agwedd ar ei gwaith, gan gynnwys penodi i gyrff cyhoeddus. Croesewir ac anogir ceisiadau gan bob grŵp ac rydym yn sicrhau na fydd unrhyw ymgeisydd cymwys am swydd gyhoeddus yn cael ei drin yn llai ffafriol ar sail oed, anabled, rhyw, statws priodasol, cyfeiriadedd rhywiol, ailbennu rhywedd, hil, crefydd neu ymlyniad crefyddol, neu feichiogrwydd a mamolaeth. Cedwir at yr egwyddor o gystadleuaeth deg ac agored a phenodir ar sail teilyngdod.

Cefndir a chyd-destun

Sefydlwyd yr Awdurdod Meinweoedd Dynol (HTA) yn 2004 fel y rheoleiddiwr ar gyfer gweithgareddau sy'n ymwneud â thynnu, storio, defnyddio a gwaredu meinweoedd dynol yng Nghymru, Lloegr a Gogledd Iwerddon. Roedd hyn yn dilyn digwyddiadau yn y 1990au a ddatgelodd ddiwylliant mewn ysbytai o dynnu organau a meinweoedd dynol a'u cadw heb ganiatâd. Daethpwyd â nifer o weithgareddau yn ymwneud â meinweoedd dynol y mae angen trwydded arnynt gan yr HTA ynghyd o dan Ddeddf Meinweoedd Dynol 2004. Dyma'r gweithgareddau dan sylw:

- cynnal archwiliad anatomegol
- cynnal archwiliad post-mortem
- tynnu meinwe dynol o berson ymadawedig i'w ddefnyddio at ddibenion penodol a restrir yn y Ddeddf, er enghraifft penderfynu ar achos marwolaeth, ymchwil, archwiliad anatomegol, archwiliad clinigol
- storio sbesimen anatomegol
- storio corff person ymadawedig at ddibenion penodedig penodol
- arddangos cyrff dynol neu feinwe yn gyhoeddus (e.e. mewn amgueddfa)

Diben a swyddogaethau

Mae'r HTA yn un o ddau awdurdod cymwys sydd â chyfrifoldeb ledled y DU dros reoleiddio meinweoedd a chelloedd ar gyfer triniaeth cleifion yn unol â Chyfarwyddbau Ewropeaidd. Yr awdurdod hefyd yw awdurdod cymwys y DU at ddibenion y Gyfarwydddeb Rhoi Organau sy'n pennu safonau gofynnol ar gyfer ansawdd a diogelwch rhoi organau a thrawsblaniadau ledled yr UE.

Mae'r HTA yn trwyddedu mwy nag 800 o sefydliadau sy'n storio ac yn defnyddio meinweoedd dynol mewn cysylltiad â'r gweithgareddau a gwmpesir gan Ddeddf Meinweoedd Dynol 2004, Deddf Trawsblannu Dynol (Cymru) 2013 a Chyfarwyddbau Ewropeaidd.

Mae gan yr HTA rôl gyffredinol o oruchwylio cydymffurfiaeth â Deddf Meinweoedd Dynol 2004 a Deddf Trawsblannu Dynol (Cymru) 2013, gan gynnwys rhoi cyngor ac arweiniad i bobl sy'n cyflawni gweithgareddau a gwmpesir gan y Deddfau hyn, aelodau o'r cyhoedd a Gweinidogion. Er enghraifft, mae'r HTA yn rhoi cyngor i aelodau o'r cyhoedd sy'n dymuno rhoi eu cyrff i ysgolion meddygol i'w harchwilio'n anatomegol ar ôl eu marwolaeth (yr hyn y mae'r rhan fwyaf o bobl yn ei alw'n "gadael eich corff ar gyfer gwyddorau meddygol"). Mae'r HTA hefyd yn cyhoeddi codau ymarfer sy'n rhoi canllawiau ymarferol i weithwyr proffesiynol sy'n cyflawni gweithgareddau sydd o fewn ei gylch gwaith, gan gynnwys rhoi organau.

Mae rheoliadau a wneir o dan Ddeddf Meinweoedd Dynol 2004 a Deddf Trawsblannu Dynol (Cymru) 2013 hefyd yn ei gwneud yn ofynnol i bob rhodd o organau gan bobl sy'n fyw, a rhoddion mêr esgyrn a bôn-gelloedd gwaed ymylol (PBSCs) gan blant ac oedolion sydd heb alluedd gael eu cymeradwyo gan yr HTA. Diben hyn yw sicrhau na roddwyd tâl; nad ydynt dan orfodaeth a bod caniatâd dilys wedi'i sicrhau. Mae aelodau'r Awdurdod yn chwarae rhan allweddol yn y broses gymeradwyo. Mae'r HTA hefyd yn asesu achosion o roi organau byw yn yr Alban o dan gytundeb â Llywodraeth yr Alban.

Disgrifiad o'r rôl

Mae'r Aelod o Gymru i'r HTA yn un o nifer o aelodau annibynnol sy'n gyfrifol am ddwyn yr HTA i gyfrif am ei weithgareddau a sicrhau ei fod yn cyflawni ei amcanion strategol. Bydd yr Aelod Cymreig hefyd yn sicrhau atebolrwydd yr HTA i Weinidogion Cymru a bod polisiau Llywodraeth Cymru yn cael eu hystyried yng ngwaith yr HTA.

Manyleb y Person (pwysig – darllenwch)

Bydd yr Aelod o Gymru yn gallu arddangos y rhinweddau canlynol:

Gwybodaeth a Phrofiad – trafodwch y rhain yn eich datganiad personol

- Profiad o fod yn ymrwymedig i amcanion Bwrdd neu Bwyllgor a'r diddordeb a'r ymdrech i wneud cyfraniad gwirioneddol i Fwrdd neu Bwyllgor;
- Profiad o graffu a herio Bwrdd neu Bwyllgor yn effeithiol, a'u dwyn i gyfrif am eu perfformiad neu gyflawni eu strategaeth;
- Profiad o feddwl yn strategol ac arfer barn gadarn ar faterion cymhleth a sensitif;
- Profiad o ddangos y safonau uchaf o briodoldeb personol mewn perthynas â llywodraethu, atebolrwydd, risg a rheolaeth ariannol.
- Profiad neu sgiliau mewn un neu fwy o'r canlynol:
 - Profiad proffesiynol yn unrhyw un o'r sectorau a reoleiddir gan yr HTA;
 - Profiad o roi a thrawsblannu organau naill ai o safbwynt claf neu ymarferydd;
 - Moeseg feddygol, clinigol neu ymchwil;
 - Data a dadansoddi fel sbardunau ar gyfer trawsnewid digidol.

Priodoleddau a Sgiliau Personol – trafodwch y rhain yn eich datganiad personol

- Sgiliau rhyngpersonol cadarn a digon o ddylanwad personol a hygredded i fod yn eiriolwr a llysgennad effeithiol â sgiliau dylanwadu a thrafod cadarn;
- Ymrwymiad a phenderfyniad, ynghyd â'r gallu i feithrin gweledigaeth a datblygu strategaethau wedi'u diffinio, er mwyn cyflawni nodau tymor hir a thymor byr;
- Sgiliau cyfathrebu rhagorol, gyda'r gallu i fod yn glir ac yn gryno ac i hwyluso dealltwriaeth o faterion cymhleth tra'n dangos parch at farn pobl eraill;
- Y gallu i amsugno llawer iawn o wybodaeth a gwerthuso tystiolaeth gymhleth o fewn amserlen fer;

Aelod o Gymru i'r Awdurdod Meinweoedd Dynol

- Barn gadarn, sensitifrwydd ac ymwybyddiaeth wleidyddol;
- Y gallu i fod yn annibynnol ac yn gadarn.

Rhaid i ymgeiswyr hefyd ddangos:

- Dealltwriaeth eglur o faterion cydraddoldeb ac arferion gwahaniaethol heriol ac ymrwymiad iddynt;
- Dealltwriaeth glir o 'Saith Egwyddor Bywyd Cyhoeddus Nolan', ynghyd ag ymrwymiad iddynt.

Mae sgiliau yn y Gymraeg yn ddymunol. Disgwylir i bob ymgeisydd ddangos empathi at yr iaith a dangos arweiniad i gryfhau'r ddarpariaeth o wasanaethau dwyieithog yn y GIG yng Nghymru.

Bydd yn ofynnol i ymgeiswyr sydd ar y rhestr fer ar gyfer cyfweiliad ymhelaethu ar sut maent yn bodloni'r meini prawf uchod gan ddefnyddio enghreifftiau a thystiolaeth.

Telerau Penodi

Y Gweinidog Iechyd a Gwasanaethau Cymdeithasol fydd yn gwneud y penodiad.

Hyd y Penodiad

Gellir penodi'r Aelod o Gymru am gyfnod cychwynnol o dair (3) blynedd, ac fe gaiff yr Aelod sefyll am uchafswm o chwe (6) blynedd.

Pwy sy'n gymwys i wneud cais?

Bydd unigolyn yn anghymwys i gael eu penodi os:

- a. y'i cafwyd yn euog yn y 5 mlynedd diwethaf yn y DU, Ynysydd y Sianel neu Ynys Manaw o unrhyw drosedd a'i ddedfrydu i garchar (boed yn ddedfryd carchar gohiriedig neu fel arall) am gyfnod o dri mis o leiaf a heb gael yr opsiwn o ddirwy;
- b. yw'n destun gorchymyn cyfyngiadau methdaliad neu orchymyn interim neu wedi dod i gyfaddawd neu drefniant â'r credydwy;
- c. wedi cael ei ddiswyddo, ac eithrio pan fo swydd wedi'i dileu, o swydd gyflogedig yn un o gyrff y gwasanaeth iechyd;
- d. yw ei aelodaeth fel cadeirydd, aelod neu gyfarwyddwr corff gwasanaeth iechyd wedi'i derfynu, ac eithrio oherwydd dileu swydd, ymddiswyddiad gwirfoddol, ad-drefnu corff y gwasanaeth iechyd, neu ddod â'r cyfnod swydd y penodwyd y person hwnnw ar ei gyfer i ben.

Dylech ddatgan unrhyw wybodaeth arall a allai effeithio ar eich cais yn adran 'Gwrthdaro Buddiannau' y ffurflen gais.

Dylai'r ymgeiswyr fod yn unigolion sy'n ymddwyn mewn modd a fydd yn ennyn hyder y cyhoedd ar bob adeg.

Aelod o Gymru i'r Awdurdod Meinweoedd Dynol

Yn benodol, rhaid i'r ymgeiswyr ddatgan a ydynt yn gwybod am unrhyw beth, yn eu bywydau preifat neu broffesiynol, a allai achosi embaras iddynt hwy neu i Lywodraeth Cymru petai'n dod yn hysbys ar ôl iddynt gael eu penodi.

Ymrwymiad Amser

Mae swydd Aelod o Gymru i'r HTA yn seiliedig ar ymrwymiad amser o 2-3 diwrnod y mis.

Cydnabyddiaeth ariannol

Mae gan yr Aelod o Gymru hawl i gael tâl trethadwy o £7,883 y flwyddyn.

Treuliau

Bydd gennych hawl i gael ad-daliad, os yw'n briodol, yn erbyn derbynebaw ar gyfer costau teithio a chynhaliaeth a fydd yn codi wrth wneud gwaith i'r HTA.

Gellir talu costau gofal plant ac unigolion dibynnol eraill hefyd, os cyflwynir derbynebaw, yng nghyd-destun costau ychwanegol eraill a fydd yn codi wrth wneud gwaith i'r HTA.

Cymorth i Aelodau Anabl

Lle bo hynny'n briodol, bydd pob addasiad rhesymol yn cael ei wneud, er mwyn galluogi aelodau i gyflawni eu dyletswyddau'n effeithiol.

Dyddiad dechrau

Mawrth 2021